

榴實山莊遺稿

同治辛未

悔餘題簽



榴實山莊詩鈔卷三

吳存義

和甫

潘星齋太史典試來滇喜晤有作

丹穴有威鳳繡霞養瓊姿朝飲芬靈水暮餐元圃芝乘
雲秋翱翔萬里飈輪馳桐花紅麗穀竹實青參差文彩
相掩映顧盼生光儀坐令瘴鄉霧一旦長風披手撥赤
珊樹歸拜黃金墀璽瓏和其聲瑣闥陳新詩

秋氣滿滇海沈沈五百里方圓見璇玉岸渙多蘅芷明
月來神珠流光澈海水心若壺冰清目若巖電紫大匠
榴實山莊詩鈔 卷三 一

入鄧林肯遺一杞梓繩尺程墨程軌跡指南指金馬何
嶢嶢碧雞何邈迤請覩滇海上中天赤霞起

海上有層樓百尺扶雲高凌秋一以眺意氣何清豪袖
中出冰雪字字鏘瓊瑤如抱成連琴彈天風海濤迴憶
蓬萊宮珥筆趨金鼇誰信萬里外同酌洪梁醪露香滿
萸菊水色明旌旄笑把青芙蓉汗漫招盧敖

健翻無卑棲遠輶無停轂相見詩嫌遲相別詩恨速西
風吹平蕪山驛寒更綠搜羅拓畫稿洗滌入詩幅計程
躡輓紅春酒介遐福采采循南陔蘭氣正芬馥鯉庭添

新陰桃李豔羣目定多佳篇什俟我春明讀

題趙子強西湖泛月圖

山黛搖青湖鏡綠一痕眉月秋妝束木蘭艇子盪湖煙
水聲襯出田田曲田田蓮葉可憐宵暈碧裁紅接六橋
誰家子夜飛鶯管何處丁簾咽鳳簫鳳簫鶯管凝芳樹
水珮風裳娛靜夜忘却魚更酒態濃護將鴛夢花身亞
酒波花影二分秋紅藕香多月滿舟通仙睡熟難招鶴
坡老吟荒欲問鷗盧龍公子今松雪清緣愛向湖山結
畫興濃時水可吹詩情淡處雲能說雲水光中一棹飛

榴實山莊詩鈔

卷三

二

夜深露濕五銖衣兜來扇影螢初起拍徧檀痕鷺未歸
茫茫烟月重迴首窄襟賸漬杭州酒迢遞乘來萬里槎
纏綿瘦盡雙隄柳雪泥鴻爪記模糊自剪蠻箋託畫圖
邀我醉吟滇海月優曇花底說西湖

平彝道中雪

冷翠林巒積雪時瓊瑤響蹋馬蹏遲山如水墨新鉤畫
人記尖叉舊韻詩石峭更添松傲兀籠寒常恐鶴支離

時攜二鶴

溪橋野店垂鞭過一桁斜陽盼酒旗

普安

潑海雲容黑連天石氣青一山行百折萬里笑重經箒
籜霜前解巖扉鳥外扃思量搜險語讀與野猿聽

白沙塘道中終日在石隙中行

山勢連蜷如盤螭怪石聳作鱗之而碎鑄想費鞲輔力
屹立各挾風雲姿陰森氣逼毛髮冷礪砢神壓杉檜欹
有時突兀踞道左鬚髯恍惚蹲怒猊客子睥眦馬瑟縮
似夔罔兩相躑踞就中豈無皺瘦透灌莽叢襍蕪不治
我行石中三十里心雖甚愛神少怡安能披榛擇甲乙
園亭安置供娛嬉袖中詫說有東海愚公雖愚知難移
榴實山莊詩鈔 卷三 三

從白沙塘至阿堵田

萬山夾道僅容蓋迎面數峯尤駭怪絕無徑路何處通
路出溟濛雲氣外山嶺多於恒河沙居民少似優曇華
硤确竟難覓草樹犁鉞豈解勤禾麻我家江海惟積水
沐日浴月幾千里積水委輸成沃饒積山巍峩困行李
平生愛水兼愛山到此忽歌行路難歸向滄江出門笑
重憶千巖萬壑間

曉行

藤崖蘿磴數躋攀日日嵐光嶂影間寒樹抱村多近水

曉雲含雨不離山黃茆瘴外攜琴出紅葉聲中並馬還
行過溪橋先貰酒一聲銅斗唱刀鐮

春山
拉邦坡

摩天三百仞俯視衆峯低路迴抄鷹背雲寒礙馬蹏村
煙荒澗底霜角戍樓西行客時相見迴環隘道齊
山頂行雲霧中雨不雨亂興蒼天半雲對黃成蓋
一盤上百級百盤未陟巔前視滃白霧後視凝青煙俯
視襟袂底雲絮相盤旋指目見尺咫樹石瘦且堅飛雨
溼危磴終古無晴年其氣有餘腥或者神龍涎罡風吹
榴實山莊詩鈔卷三

四

凜冽不敢伸吟肩我身無八翼指顧登諸天帝坐近呼
吸此樂追青蓮

黔中呼霧爲單子連日山行如墮霧窟

似煙非煙山蒙籠欲雨不雨路溟濛天宇穹窿竟如蓋
雲陰靄靄難爲容野禽相語泥滑滑行人歸騎心匆匆
老眼自誇雲水洗到來忽墮霧三里跬步但覺梯田高
春煙耕墾來花苗我聞霜淞壓霧松寄語山家備飯瓮

白水河觀瀑

懸流無十丈迺有千丈觀十里殷雷驟五里飛沫寒噴

薄起陰雪迅激生迴湍當其直注處慘綠無波瀾風雲
亦黯澹終古神犀盤停軫陟季冬木葉干巖乾緬想春
夏際白雨馳峯蠻奔泉滙百谷迸落銀河灣懸知澎湃
勢隔岸難憑欄瘦日促行騎整轡仍盤桓仿佛耳畔聲
萬馬隨吟鞍

石板屋

結屋向深山青山滿屋角山中多白石卽以石爲屋其
石如層膚剝之有重複寬將布肘盈厚迺測指縮貼妥
弦觚量繩削廉鏐伏旁可周垣墉上可覆桀桷奇如粵
榴實山莊詩鈔卷三 五

嶠榕堅勝黃岡竹瓦雀無喧爭茆龍笑更速鋪雪玉棧
肥受月冰紋蹙簡質雖不華高雅迥非俗儻能煮作糧
我願卸裝束日草夢牕詞清抱雲根宿

安順卽事

繡領銀環赤玉梳飛行山脊看鋒車種人七十滇雲住
欲比花苗總不如

晚晴

溼雲飛欲斷驛路見斜陽樹抱全身碧山塗半額黃鳥
聲穿谷喜人影過溪長貪看新晴色輪蹄晚不忙

古渡

閱盡津亭客木蘭雙短橈春心南浦草秋影夕陽潮艷
曲歌桃葉離觴問柳條年年渡旁石不見水痕消

古寺

香積何年寺門藏一徑松梵聲清磬寂花影戒壇濃齋
鼓寒僧鉢龕燈淡佛容我尋煨芋火來聽晚樓鐘

古塿

八萬四千塿積雲此獨撐模糊數級影清脆幾鈴聲險
看僧雜埽高憑雀覈爭摩挲磚上字恐有晉唐名

榴實山莊詩鈔卷三

六

古驛

古道寒煙裏征人向晚投壁苔指瘦馬風葉響危樓題
詠餘鴻爪功名幾虎頭惟留庭樹老無語看行騶

新晴

十日檐帷霧雨涼嫩晴新換好天光水如鶯脰趨郎岱
名邑山似蛾眉接女莊名

平越道中

雪後園林屋上山潺潺溪響石橋灣居人不管雲來去

黃葉圍爐晝掩關

犁确山田趁雨開土膏春動早農催燒畝幾處圍臺笠
才識刀耕火種來

一角危樓絡古藤絕無樵徑見歸僧輸他百尺懸崖頂
夜踞層雲上佛燈

屐底巖花笠畔松連朝蹋徧萬芙蓉山靈時作驚人筆
雲樹纔平突一峯

玲溪坳接酉陽塘鈴馱前行看後行杉頂飛雲橫馬首
竹邊盤路繞羊腸

深山

榴實山莊詩鈔

卷三

七

捫葛攀蘿仄徑躋百重雲壑百重谿一樓欲壞來僧影
萬木無聲聽馬嘯著屐幾人曾夢到出山多日尙神迷
桃源猶屬尋常境洞口花開棹可攜

遠山

掃出蛾眉各鬥妍遙峯瘦削競參天不多著色偏含態
如此揮毫欲化煙雲外路誰能駐足眼前山少與齊肩
莫言縹緲神州遠壺嶠曾經在十年

晴山

長風萬里捲雲濤晴翠摩空拄笏勞近數樓臺明向背

遠窮樹石極分毫欲尋蠟展神先暢不受塵羈勢愈高
紅日半銜青未了天公著意待吾曹

兩山

翠痕全溼墨痕遮碎點模糊似米家樵路鳥驚松外笠
佛樓雲隱磬邊花深藏白堦蘿陰重添瀉紅泉石磴斜
幾棧田塍煙樹底呼龍有客種胡麻

十二月十二日宿清平縣夜半大雷電晨起積雪

盈尺

阿香車駛聲隆隆夜走列缺驅靈霞滕六欲與爭神功

榴實山莊詩鈔

卷三

八

迺駢瑤鳳鞭玉龍怒瀉銀塵十萬斛煙崖雲谷鋪蒙茸
鏤冰剪水作狡獪刻花鏤絮何瓌瓏素蛾斂袂青女避
珠環翠珮慙嫋容紫清效唾落迴響一笑玉戲來天公
我馭飈輪日北陸飄瞥頓失青芙蓉銀海生花肩起粟
醜顏冷映嫌山紅坐念邊徼異候瑄昨雷今雪須臾中
或者曠琴叩角徵清商一曲驚鴻濛愆陽伏陰久調燮
此義殊難明冬烘鶴背高寒莫暫駐羣仙正待銘新宮

五日夜中山行

天公著意待吾曹

雪霽寒無月天低暗見山虎聲風入峽魑影樹當關束

縵村難覓逢谿馬愈艱明朝青鏡裏定有鬢絲斑

常德舟中

行盡山程問水程歸裝容與布帆輕雲連江海天容潤
窻滿琴書旅夢清萬里仍爲香案吏十年初慰倚閭情
時乞假省觀滄波浩蕩逢鷗鷺不負菰蘆舊日盟

舟中雜詩

蘆牙簇簇綠平磯湖上春灘沒釣扉尺半鯉魚三里霧
曉來齊挾水花飛

氣蒸雲夢影沈沈波面鬟痕數翠岑春水淺來無一尺

榴實山莊詩鈔

卷三

九

蘭橈十日住湖心

迢迢漢水接江流對面青山滿柁樓不問武昌新種柳

自吹玉篴向黃州

淡煙新月卸烏篷牕外江豚夜拜風擁被曉行三十里

小姑山在浪花中

明庶風多五兩催中流帆飽水煙開一聲賣酒篙師喜

斜盪瓜皮艇子來

斷港垂楊映淺沙樹邊笳管幾漁家阻風鎮日無情緒

春岸閒尋薺菜花

萬里炎荒一棹還未能歸去老滄灣
絃歌亦欲求彭澤
三徑資成不出山

樓上仙人託醉歌爲尋采石
剪江過水邊
蹋向磯邊路
蠶豆花開十里多

燕子磯頭水泊天
棲霞山色綠如前
秋風記過黃天蕩
彈指煙雲已十年

樓閣金焦取次經
歸心日夜促揚舡
卸颿指與柴墟路
江上圖山一角青

抵家

榴實山莊詩鈔

卷三

十

嶺海辭炎徼
鶯花及遠歸
剪燈談宦轍
對鏡念親闈
久客鄉音澀
長貧素願違
轉慙兒女問
馳驛幾驂騑
新拓藏書屋
軒牕亦自清
花多藤上格
粉淨竹添萌
魚鳥窺吟態
簪裾集友生
那堪行役慣
一月又春明

題潘星齋飛雲攬勝圖

墨雲挾山向紙立
眼底萬峯寫其一
一峯窈窕迎鋒車
中有雲葉扶雲花
撥雲闖入雲氣裂
唾月推煙我能說
初蹋渴虹凌
怒湍古苔點
袂秋痕
寒翠壁
瘦皴濤浪瀉
蒼蘚細蹙蛟螭蟠
禪房幾折青豆小
飄瞥吟身躡高鳥

一層石縫一層雲松頂磬聲飛縹緲袷袂豁聞天容開
剌卬頃現青蓮臺臺邊雲湧百千寶瑤芝葩瑤相疑猜
欲穿詰曲窮鬼茆萬斛雲漿落鍾乳古佛軒眉笑客癡
凍雲橫卧將山補目眩舌橋驚鴻濛忽聞琴筑來天風
陡澗直走三百尺山花亂染紅泉紅三年我飽山水窟
此境時時夢飛越詩爲鐫鑿畫爲摹輸君身抱九仙骨
蕩節萬里馳煙秋摩崖雲護題碑留相國夫子督學滇南時過飛雲洞有石刻似聞玲瓏山骨句碧紗又籠山之幽

飛石聯吟詩爲朱筠帆作

榴實山莊詩鈔

卷三

十一

巖壑寓煙賞巾拂追前修結茲雲霞契渺爾黃綺倚神
仙在咫尺何必方壺遊爚爚老人星聯珠輝林陬清門
集羯末高會尋裴劉步履熙芳春提琴凌素秋飛石鬱
岿堯古樹盤幽繆勝日得曠邈奇句爭冥搜遐想紫芝
曲猶向青嶂留喬木生風煙百載懷林邛令德繼高詠
後賢丹青收披圖動新墨松風來層樓

秋夜獨酌遲朱柳溪不至

漢影橫庭樹秋痕入酒杯早涼孤館得遠夢幾書來宦
境淡如此長歌往復迴遲君不成醉襟抱向誰開

篝燈課讀圖同年董醞卿戶部屬題

勁竹節風不城古柏心霜不蝕饑鵠將雜語其側寒夜

沈沈月無色誰歎似之下帷室一解室何所邵伯埭文

梓樹前護樹背上有曠朗之高天下有淅漫之長川冰

雪滿屋鐙孤懸呼兒讀書刀尺前二解奇觚字孤兒口

鍼綫血慈母手屋角闌干橫北斗燈影青熒射疏牖吁

嗟重見九熊柳三解天語來綽楔開鸞書鳳詔何崔巍

看兒射策金門回兒著宮袍爲母壽燈前猶記寒更漏

四解淮水出桐柏昔有董生行愧我非昌黎誼忝同歲

榴實山莊詩鈔卷三 七

生深願崇令德殷勤思短檠上堂起居八座榮采蘭日

誦南咳笙五解

寄懷李玉泉同年

從無三日別忽作半年違氣誼心期共風塵道路非綠

尊愁獨笑白髮美人歸爲動故鄉思春山笋蕨肥

題錢崙仙同年難爨修書圖

娟娟花月滿簾旌鈴索聲高樺燭明催覓澄心堂裏紙

新編進

覽自簽名

金根曾有客軒渠誰肯壺盧問漢書君向承明當著作
陽秋皮裏近何如
退食鑿坡日似年閉門鉛槧落花前都廳閒話傳家稿
一例偷閒著續編
疇昔鋒車指蜀都卿雲才調少遺珠不知官燭添燒夜
繼響峰青有句無
小佳春明宇對開海鷗機盡兩無猜却將我作韓陵石
不爨樵蘇亦肯來

題潘星齋香國因緣圖

榴實山莊詩鈔

卷三

十三

勝集來簪履開尊入畫圖秋山經雨洗老樹得雲扶歲
月談龍女

樹名

關河問雁奴優曇華著袂猶有妙香無

不知滇海上風物近如何獨立看高鳥相思滿澗阿緣
深同佛結道遠得詩多好在龍眠筆殷勤託衍波

贈凌荻洲

寥落風騷近百年蕭森天海入孤絃請看絕代蘭芬筆
始信移情有水仙
湘江吹綠接春蕪夢抱荃蓀拜左徒莫悔蛾眉棄薌澤
乘鷺相約住蓬壺

風生幽谷應雕虎氣感候蟲來阜螽爲想觥船狂醉後
看君談笑捉涪翁

調會滌
生同年

少年吟苦鬢易白心腎鑄劓良自艱何處覓來餐玉法
不聽絲竹駐華顏

題荻洲青塘山居圖

峨峨闔闔開袞袞卷阿頌妮妮黃塵趨戀戀青塘夢冰
雪入懷袖渺不關鞅轡有如乘軒鶴神飛華陽洞婀娜
蘭與芷千里紫庭貢餘馨滿七澤沅澧相鄭重咄咄長
沙凌肯棄漢陰甕

榴實山莊詩鈔

卷三

十四

秋結青塘屋春燼青塘田拾松種巖竇新綠將摩肩著
書疊滿尺強半山中年蹠躩向塵土綿邈隔楚燕薜蘿
有離合去住皆因緣耐作山頂雲莫學山下泉泉流不
返壑雲出仍還山

日落生輕雷涼雨散花竹突兀青塘山蒼翠接吾目屋
前媚幽篠屋後羅灌木宛轉尋坡陀爲君寫心曲我亦
淡蕩人簪珮事羈束滄江念敝廬一別稻九熟有田如
不歸可以誓麋鹿還君畫中山目送南飛鵠

坐餘霞閣贈讓舟上人

晚雨垂簾心渺然吟鞦起蹋山坳煙定中樓閣有花氣
詩裏鉢瓶無野禪茶夢離離近寒食春城漠漠浮江天
我今綺語洗久淨對此重尋文字緣

宋都酒務印詩用甘崎人自題原韻

印徑一十八分文曰監江寧府都酒務記上有
八分書刻天禧二年八月少府鑄崎人行田得
之村農自係以詩拓本索題

勃窣摩蜃時支格蔚犁側闖然出冷銅倚來各積息繡
澀卷土花纏霞帶酒色歸皮甕隔間啜醅訖終夕但苦

榴實山莊詩鈔

卷三

五

縮秋蚓麻茶不能識崎人中聖人步履來得得見之懸
肘後如獲青田核星喜擲旗投月未妖墓蝕文組相駢
羅縹碧與湔拭文篆並紐書署年月官職彈指天水秋
剝卽過幾刻每讀驟稅書亦各有畛域鐵官鉞不遺綱
官筴無忒素聞茶官詔未覩橘官勅磬官更瑣碎如石
時亂泐酒官雖苛嬈轅南轍可北潁濱監筠州風調至
今憶譬挽狂瀾舟寸心識斗極於物儻有濟醪薄亦聊
卽轉眼如風燈酤戶埋荆棘誰歟翹院來姓氏翳閭寂
劫灰破塊尋剩水抱蠶測咄咄青綢中摩挲勝服匿錦

窩廢未敲緹幕光逾施摹拓龍以詩印請對以臆聞君
足金薤搜奇眼電激行田相邂逅翦拂等九錫耐可助
醉歌勿將付酒直君笑引叵羅謂印且墨墨佩汝侯醉
鄉歲月千萬億

下
題畸人三十六宋磚歸裝圖

畸人秉鐸寶應得宋磚三十六有銜車左軍連
水軍及左軍郭交右軍王實諸文謂是南宋時

閉門花雨涼銅鋪蹋階瘦綠棲烟蕪剝啄索賦歸裝圖

榴實山莊詩鈔

卷三

六

彈毫欲寫先盧胡冷官不冷豪且都長舸大扁帆滿滿
礪礪何何衰橐殊光怪不拾珠湖珠三十六磚苔模糊
古襟磅礴相嬉娛想見昔菴堆齋廚晨興軟飽騰爵觚
杜陵長鏡肩短奴薛垣榛朶時走趨獲如連壁裏以襦
不愁道逢褒衣徒歸潑石墨波礫摹醉拓金戟詩歌腴
我來自門聽啼鳥正苦寂寂依菰蘆今知擿埴將索塗

六朝瓠齠無處無

題讓舟上人詩集

讓公清似鶴詩骨亦峻嶒蔬筍除千劫雲烟壓九僧夢

尋湖上路秋老佛前燈好向盍山佳暮松濤萬層

題讓舟航海圖讓舟欲謁普陀先畫此卷

興公賦天台實未涉雲麓普陀渺烟水師乃寄心目瘦
日浮半規孤帆蕩寒綠尻輪馳迅颺神遊意亦足香花
滿空中遐邇佛皆矚八萬四由旬芥子細能縮安知大
瀛海不似圖一幅六時棲盍山清磬動疏竹卽此安心
竟江雨梅子熟

隱玉齋詩冊爲宗友石題隱玉齋爲宋曾文昭讀

書處今爲雨香菴

榴實山莊詩鈔

卷三

七

古人讀書處竹石尙青蒼七百年陳跡詩懷滿夕陽危
樓支水直孤磬隔花涼記得尋禪悅一龕聞妙香

李步墀入祀昭忠祠詩卽題粵西殉節圖

射石威棱右北平未封侯已惜捐生雲霾粵嶠韉刀冷

酒酌臺城殿閣清

祠在臺城西武廟右廡

六代江山圍俎豆萬行

題墨動公卿旂常銘與馨香報不負當年說請纓

留別讓舟上人

彌勒龕燈共歲時間從灰裏撥新詩白頭那有名心在

笑被清涼水石知

盍山菴在清涼山右

笠屐輕攜向博山十年塵海閉松關我如雲得依山住
花雨茶烟日往還

三宿定知桑下戀五噫曾聽廡邊歌吟秋莫上餘霞閣
江影帆痕別緒多

讀王綱齋前輩詩集賦呈二律

幾回青瑣幾巖阿盡染煙痕入嘯歌歸早官如雲水淡
養深詩得性情多洞中絲竹春仍好滁上溪山醉屢過
北望觚稜天咫尺肯將風月任婆娑

却喜緣深翰墨場追隨旗鼓竟相當五華池館停文軫
榴實山莊詩鈔卷三

六

六代鶯花列講堂丹地夢迴鈴索靜白門春老柳絲長
卽看江左風流在上下雲龍許頡頏

洋湖

十年屯浦印歸期買棹重來鬢已絲身到家山仍是客
嶺猿溪鳥亦驚疑
夜落天瓢遍卧樓驟涼笛簟一時收危欄曉看前溪漲
隱隱蛟螭踞怒流

江灣曲

郎掉江灣船妾結漁潭屋朝作江灣行暮向漁潭宿

溪水平於掌長年醉不醒船舳跳白小船尾立青亭

胡將軍祠

星源雄五嶺中嶺奠神居草木威棱在風雲胙蠶餘生
原奇骨相死更福鄉閭簫鼓村巫集香烟日不虛

樂平道中

單舸夷猶聽艫牙紫蕉衫薄晚風斜山雲飛向最高閣
溪水漂來何處花雙鯉信沈還夢遠亂蟬聲急更思家
菱塘柳陌推篷坐時見驚鷗避釣車

彭濂清招飲

榴實山莊詩鈔

卷三

九

幽居真負郭相訪蹋新秋雲物浮高樹溪山納小樓到
門鷗影熟隔水稻花稠已倦關河夢林泉事雅遊
遠放西江棹匡廬不可攀對君見山骨令我洗塵顏初
覲竟投轄何時同閉關暮雲千里碧去鳥愧難閒

遊香林寺用濂清韻

步屨西風祇樹林溼烟萬疊壓城陰小山花影澹秋夢
老木蟬聲清客心磬外樓臺隨指顧詩中雲水記登臨
同邀佛證苔岑契絕勝分題漢上襟

別孫竹橋後却寄

溪東尋野屋千里讀詩來琴酒追前夢山林老此才見
遲霜鬢改談久嶺猿猜何日松蘿底春波共釣臺

寄徐壽莊

十年不讀徐陵集風雨津門多少詩料得近來秋興好
曉支手版對山時

春草堂前幾落花來鷗閣畔碧波斜提琴曾蹋東臯路
愁向垂楊數暮鴉

海淀樓上晚眺

笑脫朝衫獨倚樓山容水態畫深秋夕陽金碧雲中寺
榴實山莊詩鈔卷三

三

仙侶池臺海上洲隄柳風高無倦鳥渚蓮露冷有閒鷗
此間那得江湖夢却想烟蓑理釣舟

哭李玉泉同年

以我爲知己交情子最真感時揮老淚當世失斯人舊
約還疑夢凌風獨愴神烽烟仍滿目此志竟誰伸

書義烈編後

金菊仙太守

雲門

咸豐壬子冬督兵守通城留

家屬於武昌十一月武昌圍急汪恭人藏幼孫
複壁中屬太守弟人銘撫之自率二女登樓縊

季女甫十四齡謂母曰獲死所福也因與姊遙拜父而就縊恭人視二女氣絕朝服北向拜亦縊越月太守率兵回復武昌狀其事大吏入

告旌如例都人士為詩文紀之題曰義烈編

癸丑十月郵寄來京敬書二律

蒼莽蟲沙動地哀壞雲如墨壓城來烽煙黃鶴無遺櫓江漢紅羊有劫灰慷慨百戰散珮從容一室話瓊瑰磨崖貞石旌題重吳楚高峯拂古苔

皚雪寒筠共一樓娟娟環珮亦千秋死為有福聲情烈

榴實山莊詩鈔

卷三

三

生即能詩慧業修

太守季女有月波軒詩稿二卷

明月松蘿空臆稿芳

洲鸚鵡遠埋愁九京牽袂仍依母

天語琅琅慰白頭

輓金菊仙太守

題義烈編未寄菊仙奉檄守黃州城陷殉節城

陷前一日作詩二章並修札寄都中程用和兵

部覃叔戶部黃孝侯庶常及余皆同鄉也

赤壁氛霾白晝昏空穹無計鑿凶門風雷自奮常山舌

冰雪誰招漢水魂亭障隔江成寇壘萑苻狂及滿荒村

英靈氣作寒濤湧定掃欃槍
至尊

危樓碧血照江寒老淚龍鍾尚未乾
領郡獨當兵燹後下車纔覺吏民安
悲涼遺愛空三楚歎息援軍少一韓
日暮雪堂淒絕處長公靈爽好盤桓

江上傳烽雉堞明夜深呵壁蒯緱輕
鞞刀置後揮遺札

枹鼓聲中念友生未滅赤眉情激越
爲憐黃口涕縱橫

來書數百言猶激昂指陳時事至以兩孫相託自注云書至此不覺涕滿紙矣
何當鈞勒貞珉

出字字寒銳露血誠

榴實山莊詩鈔

卷三

五

兩度春明接詠觴幢幢燭燄話崇陽
漢廷相許稱循吏楚些誰知弔國殤
滿地江湖遲塞雁連宵星斗看天狼
家山白嶽三千丈爲寫褒忠墨數行

晤韓小亭觀察

江漢猶戎馬艱難一棹迴浮雲辭玉壘
斜日向金臺宦橐餘碑目朋尊問酒材
淒涼庾信賦新自秣陵來

老馬吟和何賡卿學瘦馬吟韻

宛馬來渥洼箭雲無泥塗朝辭蒲梢下
暮厠天閑居銀鏤何蹀躞錦障時踟躕
日刷三萬里何者爲崎嶇道旁

有老馬骨相殊未瘖豈涉太行險却似疲鹽車伏櫪氣
瑟縮夾鏡瞳模糊不知金門式較視將何如獨戀棧豆
恩驥首看雲衢是時秋霖積三刻溝難踰矧鵲移跬步
遠羨湖上驢湖上知可樂但慮難求芻老馬且自慰慎
勿悲飢驅臣朔昔待詔猶對侏儒吁識塗儻見用迴立
長風呼圖入玉花繪牧有薦草濡努力向閭闔九達皆
夷途

下窪

緜馬城南日欲脯淡烟疏靄滿平蕪秋聲老屋太蕭爽
榴實山莊詩鈔卷三

三

雲氣遠山時有無何處晚鐘驚鬢髮爲看歸鳥憶江湖
分明點綴倪迂筆一幅寒林獨眺圖

懷彭恬舫

倉猝長安別音書竟不聞九江成戰壘千里憶歸雲
冷筓聲合天高雁路分艱難念身世豈獨悵離羣

寄彭濂清

爲想城南路山樓近若何稻花當檻少烽火隔湖多屋
老書應在村貧盜肯過可能還買醉作達一高歌

除夕封筆和賡卿閣學韻

管裁湘水潁中山靜裏神功擬九還鑲印略輸黃閣早
倚牀聊伴墨池閒鋒藏已掃千人後花好仍開一夕間
笑飲屠蘇聽金鑰朝元攜侍

殿西班

榴實山莊詩鈔

卷三

三

榴實山莊詩鈔卷四

吳存義 和甫

借張奉山侍御典試雲南道中賦呈

傑直趨

丹禁承

恩下紫清三年收杞梓萬里擁麾旌舊日皇華館秋風

席帽情寄心滇海月仍抱一輪明

又持英蕩去觸熱使車忙山驛紆秦蜀

漢唐長隄征鐸急高樹暮蟬涼料理新行記蠻賧各數

榴實山莊詩鈔 卷四

行

並轡推驄馬看山到碧雞數年蓬島侶五月博陵西野

渡停鞭待山樓共硯題沈沈海底樹鐵網喜同攜

故城謁椒山先生墓祠

驛路松楸外驚風起墓祠孤臣餘碧血宰相自青詞冰

壁心難轉滄桑涕不支記曾摹諫草霜氣墨淋漓

嵩疏原稿藏
都城松筠庵

井陘淮陰侯祠

旗鼓中原孰抗儔漁竿一擲取通侯登壇氣鬱風雲驟

背水機危壁壘愁玉帳近聞談白面牙璋誰復起蒼頭
井陘拒塞仍形勢垓下沙響怒流

靈石道中

百里坡陀僕馬驚一山中擘受車行倒垂藤蔓涼陰合
瞥過雲烟漏影明鈴馱聲來先避路草花香近不知名
懸崖陡處窺千仞萬木秋濤傍足生

楊太真墓

延秋門啟翠華行山鬼羅衣識竟成龍武誰知非宿將
一聲鼙鼓六軍驚

榴實山莊詩鈔

卷四

二

碎折釵細委路塵鸞輿安穩得西巡蛾眉甘爲君恩死
好謝樓東寂寞人

佛堂零落土花存繡嶺宮前水尙溫深夜月明坡草綠
可憐錦襪蹋無痕

霓裳宛轉玉魚涼夢醒巫山總斷腸解說六如當日偈
爲尋隴上雪衣娘

馬伏波祠

跼跼飛鳶浪泊流據鞍老去向壺頭雲臺不畫椒房戚
霧潦偏餘蕙實愁銅鼓銀簪蠻女樂露花烟草野祠秋

瘴鄉我正乘輶邁亦覺平生念少游

紫柏山留侯祠阻雨

赤松黃石兩茫然如畫儀容紫柏巔功狗勲名傷國士
冥鴻心跡託神仙溪雲乍溼橋邊履山雨新添竹外泉
慨想真靈同位業鳴夷子後鄴侯前

雞頭關遇雨

怪石攖擎山龍從溪流怒激酣笙鐘黑雲騰蹋壓馬背
羣龍衙衙隨豐隆急雨如箭向人射西行我正當其鋒
巖底茆屋秋葉碎僕馬瑟縮屢屨中駢肩累足各喘息

榴實山莊詩鈔

卷四

三

舌纏不語同蟄蟲雞頭關高天尺五但覺峭壁摩蒼穹
須臾雨霽抖擻出騾綱先已盤橫空行人戢戢細於鳥
我足未陟心沖沖一聲耶許撥雲上紫蕉衫冷來罡風
山頂精藍倚關立魚梵響答千壑松道人模糊說楚漢
逐鹿曾此爭雌雄山坳指點舊壁壘野葛蔓棘烟蒙茸
迴看暮色起杉檜蒼靄已隔來時峯下山百里趣征騎
自愧荷笠歸山農

雨後聞溪水聲

飛泉百道赴溪行雷轉空巖草木驚流去自然能到海

在山休作不平鳴

深谷

我行深谷底石氣冷侵衣苔向雲邊老泉從樹杪飛
暗聞人語襍晴覺鳥來稀誰置懸崖屋終年住翠微

劍閣

曉雨昏雲棧前旌指劍門路危班馬影秋老杜鵑魂
墮壁千崖束斜溪一水奔孟陽銘石泐紫蘚笑空捫

簡州阻雨宿田家贈蔡老

夜雨沒溪橋迴車斂野屋有翁起應門麻茶揩倦目
問榴實山莊詩鈔卷四四

客何遠來聞語一捧腹五千里有餘萬里尙未足不
嫌茆舍陋請就繩床宿呼兒漉新秔流匙香勝玉飽坐
使翁年六十有子六同耕山中田今歲稻頗熟自覺已
衰朽弄孫聊取樂亦解作諛詞似非心所欲溜檐雨浪
浪映壁燈煜煜我聞老翁語低眉看僮僕

赤水

寥落居人少迴環澗谷幽萬山無盡路孤月幾分秋
苔繡前朝寺雲藏隔岸樓稻花香處立隱隱見歸牛

小遊仙

乙卯滇南鑠院作

芬靈翠水綺牕開萬里桃花手自栽笑比瑤池仙骨健
不騎八駿亦重來

玉屑新方供曉餐瓊樓沉灑本清寒行厨日對麒麟脯
欲乞麻姑改食單

紫鳳蒼虬出大羅罡風吹緊渡關河神洲不少佳山水
雲霧匆匆瞥眼過

爭得劉綱挈婦行步虛聲杳許飛瓊繡襦甲帳新涼夜
獨坐銀河理玉笙

窈窕浮雲駐鳳車樊桐舊徑蘼書斜銀屏珠箔叅差是
榴實山莊詩鈔

卷四

五

開老秋風碧藕花

宴散瓊筵駕翠輶洞天齊入暮霞青月中八萬三千戶
霧閣雲牕看使星

染就雲藍筆幾枝霓裳新曲界烏絲一聲合著樓楣譜
湘瑟秦簫各自吹

蕊珠宮闕桂華鮮手校黃庭內外篇祇有淮南雞犬樂
雲窩深處日酣眠

新宮銘好衆仙誇黃絹爭傳蔡少霞說與紫霄文字格
爲鑄靈笈付麻沙

瑤光夜靜氣蕭森疑有元珠赤水沈精衛自憐銜木石
當年鉛淚海濤深

娟娟青女冷飛霜鴟鴞聲淒淒衆芳病葉狂花如可采
袖中還有返魂香

寶髻梳成墜馬偏再求換骨又三年關心也織冰絲記
奈是楞巖十種仙

副榜十名

曙色朱霞燦九光雲璈仙樂奏虛廊瑤牋翠墨看題徧
讀向人間姓字香

料峭東風動玉砂瓊柯碧葉鬥新芽今年洞口春如海
榴實山莊詩鈔

卷四

六

開出蟠桃閨月花

是科廣中額二名

五雲樓閣峙崢嶸麟鳳洲邊水幾層知否神仙無別藥
鍊心長抱玉壺冰

趙忠愍公遺像題後

公諱諤昆明人官御史甲申殉難至國朝乾隆四年

賜諡忠愍

九殿鳴狐火孤臣泣豸袍血埋天水碧墓傍疊山高嶺

藻城西寺

祠墓在都城愍忠寺側

精靈海上舫我來拜遺像霜氣

肅林皋

乙卯滇南秋闈與同考諸君子匝月論文無間昕

夕揭曉後各贈一詩以誌萬里外香火因緣不
獨雪鴻印跡也

劉亦凡

家杰貴州貴陽人丁酉舉人試用知縣

金筑才名孰頡頏廿年蟾桂記攀香重摩明月新詩壘

迴憶秋風古戰場

余亦丁酉鄉榜

山迴雲圍官閣靜坐深花簇

夜燈涼綰符暢好承歡近采采陔蘭接故鄉

樓菽哇

瓊浙江金華人庚子進士富民縣知縣

紅萸黃菊對清宵老向文壇說射雕官燭夜添滇海月
隱囊秋夢浙江潮我持虎節逢仙侶士託龍門得錦標

榴實山莊詩鈔

卷四

七

是科解元出君房薦循績不虛攻媿集久從玉律聽眠謔

法雲書

豐阿滿洲人辛卯舉人霑益州知州

塵尾清談每夜闌元龍豪氣喜追攀官呼佛子來三異
詩襟仙心識九還紅藥香痕思畫省
君官內閣中書最久黃花秋
訊話蒼山挽強更羨如猿臂願學雕弓滿月彎
君善射

黃東生

善巖四川重慶人辛卯舉人署江川縣知縣

叔度襟懷似水清月波花影一簾明賞心文字鈔長稿

調息工夫對短檠

君得佳卷即爲錄稿暇則掩關君靜

詩裏湖山歸簿領

夢中巫峽寫琴聲合尊促坐揮談塵官鼓時忘漏幾更

丁星達

逢吉

浙江紹興人癸卯舉人呈貢縣知

千巖萬壑別山陰却向滇南理素琴清極官真如鶴瘦

興來詩每學龍吟循聲共說能馴雉餘緒還聞善演禽

精於星卜之學

秋月半簾花四壁與君珍重此題襟

李松軒

熙河南南陽人丁酉拔貢咸遠同知

翠海陘山迤邐開棘闈高處日裴裒時從李嶠談詩坐

笑學吳筠說餅來

君僕從皆善作餅

萬里苔岑重結契三秋珊

網記掄才黃花新艷紅薇老日就青蓮數舉杯

衡鑒堂前紫薇

花最古關中多宴集於此

榴實山莊詩鈔

卷四

八

韓寅侯

捧日

廣東瓊州人庚子進士邱北縣知

舊日壺觴記五華十年重泛絳河槎

與君為丁酉同年余前視學滇中得

申良觀今隔十年復與秋闈共事

嘗來宦味如都蔗數去人才幾榜花

秋色尊前生翠海襟懷天半起朱霞鬢絲藥裏談禪榻

相對垂簾瀹茗牙

與君各忠寒疾數日

龔教五

敬敷四川保寧人壬子進士即用知縣

詠罷霓裳出大羅飛鳥炎微近如何浮雲玉壘縈鄉夢

明月金尊動嘯歌醉去據梧似南郭閒來說鬼學東坡

君談蜀閬近事甚奇

浣花溪上藤梢路為問吟鞵幾度過

彭端笏

蓋忠四川重慶人甲午舉人候補知縣

瓊院沈沈樺燭高夜看珠斗獨拈毫詩心秋肅千崖氣

文筆風驅八月濤

君作擬墨數首

滇海授經談許慎蜀都徵典

記王褒珊瑚收束千絲網却省金篦刮目勞

時爲內收掌

重駐滇南試院相去前督學時已十年矣撫時感

物各係以詩

梅

階梅三尺親移植再至巡檐如我長同耐十年風露冷

花仍傲雪鬢添霜

榴實山莊詩鈔

卷四

九

竹

瑟瑟西風不斷吹曲闌迴榭影參差相看一笑真瀟灑

雨態烟姿似舊時

紫薇

交橫老幹壓檐牙冒冷摩挲未著花別後數年相憶處

玉堂清夢月鉤斜

柏

森森列柏倚高岑黛色霜皮結翠陰傳舍闕人香葉老

去來鸞鳳不關心

鷓鴣

清脆鈴聲勢鬱盤
躡躑食宿傍雕闌
何當縱爾摩霄翮
練習軍容學曲端

松鼠

松花毳毳撲簾旌
躡躑塵莫浪驚
一榻似冰燈似豆
夜闌應識讀書聲

題戴雲帆侍御陞山載筆圖用家仲昉中丞韻

著書高尺許細字老猶能
歸興追元亮才名薄孝徵
身如煙外鶴心似定中僧
坐對陞山笑暮雲深幾層

榴實山莊詩鈔

卷四

十

廿卷昆明志搜羅自漢還
龍門留撰述鷗席許清閒
絕徼西南外斯人魏晉間
我來訪安道一室有名山

題雲帆侍御味雪圖用家仲昉中丞韻

釣水無艇煙空晴采山無斧
雲空橫左畫齋粥右縹帙
五子壇坫爭詩名閉門慣學
袁安臥飢腸轉轡忘曉餓
麴車猶挾酒兵豪席帽寒禁
雪花大長安蹠躑孤鳳鳴
獨對鮭菜輕侯鯖雞蟲得失
了無謂鳧鶴長短誰耐爭
一官思之久爛熟燕山雪壓
歸裝輕翠海紅山恣還往
詔爨碑殘捫薜訪消寒偶聚
對花卮常憶當年味雪時

年來雪色侵雙鬢莫門尖又險韻詩

瀘西試院

小病瀘西任經旬幾客過宦情看鬢減書味閉門多山
寺遲游屐江村憶釣蓑連番深夜雨綠滿一庭莎

三過龍泉寺

磴轉樓陰直牕虛石氣涼與僧談菽麥隨佛看松篁鉢
乞龍湫水幢留艾納香十年彈指頃聽雨復匡床

花口

彌勒縣境

紆轡經花口炊煙向午稠竹圍當戶水樹覆倚山樓市

榴實山莊詩鈔

卷四

十一

窄瓜桃襍巖深鼓角幽巾童盤石立不語看呼騶

雨中讀彭于蕃前輩詩集題後

長雨淒蕭辰垣衣泥深紫開軒俯層陰雲氣低於水黥
黹對琴薦惆悵憶蘅芷觥觥一寸集稜稜百番紙數行
目力下十乘珠光起驚飈爲解駁餘霞相旖旎遂覺金
石聲淵淵動牕几沿詩尋其源派接浣花里閩闔入寤
寐乾坤念瘡痍誰謂稷契愚坐令江湖喜懷抱無古今
憂樂在尺咫黃獨亦可飽青鞋幾時始一讀三歎喟五
嶽方寸峙翠海憑危闌華月滿清泚

寄陸菴林太常兼懷徐養齋李秋丞兩茂才

泉石城西屋鶯花硯北祠蒼茫懷舊意飄瞥少年時作
宦尋仙蝶移家過佛狸自甘鍾阜隱此意亦嶽奇

戍鼓黃天蕩宵幾赤石磯空江沈鐵鎖荒谷竄麻衣髣
短雙蓬卷波長一棹飛那知豺虎窟風雨獨能歸

好向柴墟住閒門長薜蘿徐熙花底畫李嶠酒邊歌地
僻沙狐少秋深稻蟹多買田吾願果昕夕得相過

萬里苴蘭道邊霜已慣經皇華前後節官柳短長亭暑
雪蒼山白冬林翠海青何時曝簷底蠻語語君聽

榴實山莊詩鈔

卷四

十二

題巖棲松月圖

山空露滿夜涼時禪味都從靜裏知明月一九松五粒
更無人處獨尋詩

打包萬里向吳門笠重鞋香句尙存舉似一重公案在
師如蒼雪我梅村

題程素子詩集

搖落西風感鬢華商音蕭槭起清笳十年塵海餘詩草

九日烽烟對菊花幕府才名炎微大家山秋夢渚宮斜

江湖滿地增惆悵漢水何時繫釣槎

贈普上人

我昔乘雲輅萬里采蘅芷彈指一周星重飲昆湖水湖
上有精藍樓閣對山起峇亭三百尺闌楯彩雲裏中有
善知識慧觀照牕几獨抱妙明心半偈悟禪理時作方
外交瓶鉢淨可喜刹那十載餘再與接杖履一室鴛紋
青九帶穢痕紫敷坐示真諦監拂得妙旨習靜山中年
師應忘甲子我結文字禪或亦因緣是

夏日漫興

邈迤羣山接女牆碧雞金馬影蒼涼熱雲曉起椒花瘴
榴實山莊詩鈔卷四

三

冷雨宵沈石葉香漢室文章傳盛覽海壖亭館溯梁王
優曇淡白蕉邪綠惆悵危樓對夕陽

銀汁河流路屈蠡戈鋌蝸角構無端崩榛野漬元黃血
刺草人探赤白丸趨趨風來狼燧急陸渾火後雉場寬
舊時蒙眈刀耕地爲想清平六詔官

迢遞城陰壓峻坡武鄉祠宇閉藤蘿道逢鶴蓋思黃霸
家有犀渠引白波石戶烟荒山市杳銅溝錢費水衡多
八公草木驚難定寥落蘆笙月底歌

十九峯巒控上流雪花六月照兜鍪盤雕灰冷前朝塢

驚鹿塵霾寫韻樓伏枕杜陵虛遠道讀碑王粲憶春遊
文成諭蜀籌邊策早晚榆關洱海收

海國軍書久寂寥天戈新喜建招搖雲屯鱗艦江聲靜
影落欃槍戍火消洗甲夜懸銀漢水吹笳秋上石城潮
鏡歌朱鷺重翻曲遙寫蠻牋奏短簫
松廊筠閣碧參差雲物蕭森暑不知書扇每尋桓茂祖
障塵時避庾元規石鱗菽米仍湖水金爵觚稜有夢思
已倦樓臺還徙倚欲歸原隰更倭遲

補巢礎詠

榴實山莊詩鈔

卷四

古

天花丈室隱維摩半倚松寮半竹窠靜對琉璃牕格坐
水煙山翠晚晴多

畫簾初撥玉鴉叉香劑偷糜試井華學寫黃庭裁矮紙
紅鷺難覓管霄霞

棐几新排七畧書綠芸縹帙走蟬魚誇人敢署崔儵室
準備歸裝壓五車

旌節花高孔翠眠甘蕉陰展綠庭煙石欄纔過廉纖雨
更刷蒼苔種鳳仙

篤耨香消做畫屏閒階蝴蝶影伶俜一叢綠映坳堂水

九節菖蒲九子萍
參天杉檜屋西東
陰覆蒼苔地百弓
卓午人從山麓望
樓臺都在綠雲中
露葉烟梢滿步廊
渾疑深谷住簷簷
閒來解帶量新筍
三日青過十板牆
旖旎紅薇與屋齊
對花人倦隱囊低
森森雲木無蟬噪
山鳥飛來百種嘯

巢痕重埽認前塵
料理羣芳月露新
搆得南軒將十笏
紋牕香水拜花神

榴實山莊詩鈔

卷四

五

橫塘詞愛賀方回
夢轉江南畫角催
六曲枕屏聽瘴雨
鷓鴣聲裏又黃梅

柏樹軒晚眺

斜陽滿高樹濃澹見山影
散襟雙柏前蒼翠落衣領
幽花神自妍歸鳥意亦靜
淨綠生妙明翛然塵鞅屏
俯瞰翠海漁菰蔣出笞簪
沿洄遵枉渚澗演得千頃
目隨雲水潤趣與江湖永
便欲招鳧翁相狎理煙艇

金銀花

明璫翠羽露華新
手點龍團滿盞春
底用更饒香色味

但聽名字亦宜人

自題繫懷圖冊

昔人云州有九遊其八予生平所歷經直省十
四不僅行萬里路矣每省略繪一境以誌鴻雪
之緣復繪入直退耕二圖共得十六冊各係以

詩餘雜錄

盧溝曉渡

皇華賦賦征持蕩行萬里原隰秋煙高四牡從此始霜
樹薊門山沙月桑乾水迴鞭望閭闔五雲在尺咫

榴實山莊詩鈔

卷四

六

秦岱秋吟

杜陵有雄句一覽衆山小緬瞻青岱姿磅礴出雲表元
氣蘊霖雨施展仰蒼昊何時日觀峯振策扶桑曉

華嶽聯鑣

長風湧黃流旭日明潼關行行陟西嶽華萼秋孱顏素
心同嘯詠掉鞅安且閑乙卯夏借張奉山侍御典試滇南但覺金天氣

時生驄馬間

劍門策騎

北棧何縈紆南棧何峯嶸沈陰石氣冷盛夏亦蕭索峯

轉懸磴灰排雲入劍閣莫歌蜀道難請賦錦城樂

洞庭待漲

挂席入洞庭但覺水天碧春寒水未生灘淺僅一尺孤

掉阻湖心坐看易蟾魄支枕向柁樓君山冷窺客丙午
乞假

省觀丁未正
月舟滯湖中

赤壁停橈

朝辭漢陽樹薄暮泊黃岡且尋祁黃州時祁幼章同
年守黃州酌

酒拜雪堂復登城上樓江水春茫茫欲招南飛鶴爲我

寄瓣香

榴實山莊詩鈔卷四

七

鄱湖對月

五日住彭蠡繫纜都昌柳樓臺燈火盡但見星在留東坡

詩鄱陽湖上都昌縣燈火樓臺十萬家辛
亥秋阻風湖岸時大水之後民居多圯新秋檣上月

夜夜入杯酒歸棹何夷猶極目指湖口

鍾阜看雲

記買石城艇五度預秋賦重登盍山樓鍾山接情素朝

雲映城闕暮雲擁江樹日尋山中僧對雲同覓句惜陰
書院

在盍山之麓主講書院時
與讓舟上人昕夕過從

采石登樓

江渚生危磯片石卽瓊島上有謫仙人杯視滄海小登樓看畫壁嵐氣秋縹緲彼同懷客青山延謝朓

西湖泛艇

步出錢塘門自泛西湖艇西湖何窈窕花柳觀山影隄

外酣笙歌城中困簿領輸與笠展人閒情尋葛嶺

省墓新安

四過西湖

淇水憑橋

淇水清且漣紋石細可數隔岸響雲碓灘聲雜溪雨恍

如新安江便欲放歸艫橋上凭扶闌秋烟橫竹隄

榴實山莊詩鈔

卷四

六

霍山攬轡

冒暑遠行役山行忘炎威峭壁出靈右霍山何崔巍濕

雲滿崖谷飛雨涼駮駮薄晚憩古驛新月生翠微

飛雲勝覽

黔山多奇姿璽瓏幻幽洞石作雲朶飛疑有仙控送奔

泉匯百道晴雪灑石空散襟坐危闌泉石滌塵夢

翠海重遊

星軺一萬里數載兩于役登樓俯翠海烟波如隔夕當

時倩峭姿祇餘舊竹柏欲采莖蘅香言尋十步澤

癸卯視學

滇南丁未入都乙卯
典試來滇復留視學

南齋入直

橐筆向清祕晨夕蓬瀛趨何期荷

恩命寶笈窺石渠宮闕森巍我日讀委宛書無以效塵

露黽勉思廉隅

江渚退耕

我無負郭田夢想退耕處有如陶淵明無絃得琴趣儻

買田十雙結茆江上住擊壤歌

聖澤擬作歸田賦

榴實山莊詩鈔卷四

贈沈朗山太守

秋盡江關落木遲烽烟萬里結新知霜寒白雁邊城角

酒暖紅螺幕府詩老我乘槎雲似夢有人籌筆鬢成絲

謂家仲
酌尚書仲宣唱出從軍樂親見弓衣織句時

依韻奉答朗山見贈之作

遠攜玉帳下靈關談宴初欣接尹班兵略功成橫草外

宦遊詩在浣花間竭來蠻府天難問生就才人夢不閒

却爲梅開湖上路笛中吹出念家山

自笑鑽研覓古歡書生風味本吳酸廿年春夢釣天樂

萬里秋吟蜀道難繡段贈來何以報瓊樓歸去不勝寒
行藏欲定無長策祇作莊生木雁看

和家仲昉尙書病榻口占一首原韻

香痕花影畫離離示疾維摩莫自疑已是嘔心磨盾鼻
那堪笑面學靴皮好修白業無纏縛不負蒼生有涕洟
我亦趣裝隨杖履三年炎海及瓜期

昆池行和家仲昉尙書作

陞山欲飛昆海立狘鳥晝唳萬花泣赤丸白槌滿軍門
蠻繡衲襠皮袴褶試問胡爲作急裝後走瘦狗前貪狼

榴實山莊詩鈔

卷四

三

長吏閉門但手語昭昭白日無晶光愧我襍穢卧寒嶺
廿九日醉一日醒夢中羽葆賦長楊眼底旗槍看薄茗
有淚不能爲之墮有筆不能爲之揮盲風怪雨極遠目
惟見露蝕生苔衣新鬼舊鬼動真宰煩冤訴天天亦悔
城門開令公來九花虬影高崔巍令公來時迴紇拜仍
是輕裘兼緩帶鈴閣秋生皎月中弓刀響靜積雲外尙
書劍履自清閑容我摳衣竹石間含毫龍女春前樹拄
笏狼臙燒後山牙旗頻歲勞籌筆臣心未盡頭盈雪萬
里章馳遠乞身

九重詔許辭持節持節連番應笑我天南飽看平安火
昔渡蘭津鐵索時橫戈躍馬籃輿左螳斧蝟鋒紛若毛
自憑忠信淩波濤八千里外聽鸞鼓十二年間拂曙袍
公歸今賦鴻遵渚我亦投簪思種黍三十六峯抱雲處
但願甲兵不作修羅雨

和尚書冬暖元韻

滇南別有百花神紫紫紅紅向臘勻雪少嶺猶滋宿麥
風多水亦起喧塵大裘欲副香山願暖律還思黍谷人
好趁梅開爲小賦廣平行處是陽春

榴實山莊詩鈔

卷四

三

和用杖疊前韻

葛陂僊蹟笑通神新製紅藤九節勻
踴月橫添花外影看雲閑撥水邊塵
從飛錫處招禪侶好挂錢行約酒人
不羨孔光靈壽賜一枝分得八千春

謝題榴實山莊集再疊韻

虛牝黃金漫費神眉痕深淺畫難勻
未除綺語留餘習欲上騷壇隔幾塵
此事原知關慧業吾宗已久有傳人
謂竹洲秀衍集却慙小草蒙雕飾冶葉浮花亦好春

朗山疊韻題榴實山莊集次答

七襄終日自凝神宛轉流黃織未勻已擲華年虛錦瑟
漫從縣嶠拾珠塵十千酒價仍愁我三九梅花正泥人
多謝瓊瑤寒月底薛濤箋寫艷如春

落拓長歌奕奕神寶花飛舞綵毫勻

時爲予題繫懷
圖作七古一章

如天馬高追電心似靈犀遠避塵知畫有詩詩有畫笑
人磨墨墨磨人可拚金汁河邊住鬪韻吟過九十春

次韻奉酬家仲昉尙書

昔我居柴墟菰蘆託幽宿弱冠事柔翰閉戶恣研討經
畚服許鄭詞條擷江鮑如以碧鏤管仰窺青玉昊瀝液
榴實山莊詩鈔

卷四

三

漱回甘散襟攄夙抱咫聞誇耳食與昨矜目巧通籍入
承明閭闔集簪褭茲白爭權奇飛黃咸服阜翠轂何雕
鏤珊瑚相筓裊我似滄海粟獨對寒庭篠解頤尋匡衡
書空笑殷浩亦有金薤篇但作宴瑱飽詩摹蚓竅微字
仿蠶眠小高冠雖切雲下土難聞道羅友逢挪揄王澄
真絕倒皇華忽駢征白檀除熱惱

恩遇山海寬報稱涓埃少文軫談竹王鋒車懾華獠風
塵阨轅駒歲月過隙鳥誰知响叮遙重見戈甲擾欽鴉
聲已去菴螿絲尙繞安得霹靂手迅使霜簞掃勿令門

蝸角相搏夢鹽腦防秋靜邊亭嬰春集屯堡方今多鼓
鞏思之元髮縞江漢生烽霾婦孺積憂悄虐燄肆猘突
妖氛逞兔狡行當捧海澆慎莫聚鐵造龔虎嚴止齊芻
粟精覈考六韜奮鷹揚七萃喜島藻捷書奏甘泉俘玉
作典寶蠨螭清遠塞鯨鮓戮遐島

宵旰勤可紆黔黎慰宜早請膺七德歌願向五湖老只
餘一片冰懷中未能了蓋篋無著書花磚叨視草琳瑯
校天祿

殿閣趨雲表珂影玉河深鍾聲金闕曉再持英蕩行不
榴實山莊詩鈔

卷四

三

覺舟車撓山水協素心吟嘯愧長爪蒼茫鴻蹋雪輾轉
蟲食蓼付之括地圖浮以清酒醪大筆何淋漓高詠發
朕兆我歸學放翁年豐謝富媪安神藝苑間懷舊烟波
渺松柏見本性歲寒期共保

奉和冢仲昀尙善戊午歲暮解組將行感述四章

兼以留別原韻

卅載馳驅值

盛明東山出處繫蒼生臣當皓首

恩逾重

帝許安心病卽輕雲外峯巒尋上藥夢中金鼓念佳兵
夜聞扶杖看台斗惟祝三階似砥平
旌麾萬里指昆池籌策真如治亂絲蒼狗浮雲成幻化
青蠅止棘是伊誰力迴

天聽先馳疏遙解民懸自詠詩重見渡瀘揮羽扇攻心
一語獨操奇

蓬島舊聞揮翰日文如霞綺字烟霏卽今玉壘隨緣住
猶向

金鑿有夢飛畫戟已驚華髮改著書未肯素心違旁人

榴實山莊詩鈔

卷四

五

莫訝懸車早猿鳥西湖久盼歸

驛柳條條動遠征當筵淚不係離情烟霞娛老懷

知遇衽席登民仗友生歲暮銀鬢思故事途長錦里看
春耕山橋野店裝輕甚心跡多年比鶴清

次韻可亭先生古槐歌卽題卷後爲和致堂刺史

作

沐日浴月雙虬龍繆枝蓊鬱明光宮矯如玉樹凌青葱
長楊五柞紛難同疑有音聲生其中靈氣常與風雲通
吐葩颺榮何丰茸九霄雨露資天功造化鍾毓安能窮

彼五大夫唾秦封垂陰莎徑當石拱誰歎嘯詠調金鏞
可亭先生來

殿東橐筆長日光熊熊直以健句開鴻濛柯銅幹石除
纖穠自覺詩興豪不慵有時支笏還攜筇春景駘蕩風
花融繭紙鋪几喻麋濃詩如鳴鳳聲和隴書如掣電飛
晴虹欲走列缺驅靈霍懷仁所集誇奇蹤先生與之爭
雌雄百年遺跡留高風凜凜劍戟森詞鋒藹然仍見盛
德容先生庭階多蘭叢負才造語能惺鬆寶公手澤同
球鐘玉籤縹帙相瑤瓏當鑄貞石藏穹窿乃攜萬里來
榴實山莊詩鈔

卷四

三

九隆瓣香令我思南豐因題卷尾歌三終三槐之陰還
思公

仲昀尙書復示留別詩一章敬次原韻奉酬

岱雲合崇朝遂能雨萬類寸管通形聲遂能孳萬字迺
知恃原往天人有符契一心宰羣動豈在聲施熾公欲
靖邊圉如器寘平地詎謂開濟餘神湛貌已悴華堂張
離筵請勿語時事舉宮則商偃論甘慮辛忌但冀宣
威德沈懷屬量吏或者首山銅鑄鼎禦魑魅十年讀公
詩杜陵想深致許身真稷契其言宜闕肆又聞集吉齋

綴錄備典制山海出經綸臺閣入寤寐歸無獨樂園花
竹倩誰治老眼惟著迷銅盤堆燭淚倘聞馳羽書沖抱
更莫慙涪溪頌中興濡筆待時至赤舄自優游黃髮亦
思賜可以信德門後起繼名位我無籊雲姿途艱多緩
轡焉能握鉛綈向公籬下寄蒼茫念兵阻輾轉作歸計
一吐肝鬲語旁薄少詮次戒行及陽和預擬錦城憇春
風接杖履擊鉢成韻四
百花潭上居酣歌令紙醉此後
傳詩筒驛將鄭莊置

榴實山莊詩鈔

卷四

三

